

1ª Travesía de Paddle - Surf Praia América Baiona.

Escrito por Redaccion @valminorinfo
Martes, 14 Xuño 2011 23:01



Prado Surf Club organiza a primeira travesía de Paddle-Surf de Galicia, que se celebrará o vindeiro domingo 19 de xuño entre Praia América (Nigrán) e Santa Marta (Baiona). O prazo de inscrición desta modalidade hawaiana de surf con reo, na que colaboran o Concello de Nigrán e o de Baiona, pecha o prazo de inscrición este xoves 16 de xuño. Esta é a primeira travesía de Paddle-Surf que se organiza nas costas galegas, puntuable no Circuito Nacional de Paddle-Surf.

A travesía

A saída realizarase o domingo 19 de xuño desde praia América ás 11.00 horas, coa previsión de alcanzar o seu destino (Praia de Santa Marta) en Baiona uns 70 minutos máis tarde tras percorrer cinco quilómetros da costa destes dous municipios. O prezo por participante é de cinco euros, e inclúe todo o material necesario para realizar a actividade (táboa, neopreno, remo e licra). O número de prazas está limitado á dispoñibilidade de material. Ao finalizar a actividade ofreceranse dous bautismos de Paddle-Surf gratuítos, ás 12.30 e ás 13.30 horas, respectivamente, cun máximo por grupo de 20 persoas.

Os interesados deben dirixirse a través do correo do Prado Surf Club info@pradosurfescola.com ou a través dos teléfonos 636 024 702 / 653 929 347

1ª Travesía de Paddle - Surf Praia América Baiona.

Escrito por Redaccion @valminorinfo

Martes, 14 Xuño 2011 23:01
